

كيهكيات



جولة سريعة على معاني بعض الكلمات و المصطلحات في بعض مدايح كيهك

التأمل

جميل جداً إننا نستمتع بألحان و مدايح كيهك و نقولها بحماس، و مهم جداً نفهم معاني الكلمات اللي إحنا بنصليها

الهوس الكيهكي:
أيها الجالس على الشيرويم اظهر أمام **افرايم وبنيامين ومنسى**. انهض قوتك
وهلم لخلصنا. اللهم أرددنا ولينر وجهك علينا فنخلص. هليلويا.

💡 الأسباط الـ 12 كانوا متقسمين 3 أسباط على شكل صليب حوالين خيمة الاجتماع ... أفرايم و بنيامين و منسى كانوا مع بعض يتقدموا حركة التابوت

الهوس الكيهكي:
أجنحة حمامة مغطاة بحلى الفضة ومنكباها بصفرة الذهب. وعندما يرسم السماوي عليها ممالك فيبيضون مثل الثلج في **سالمون**. هاليلويا.

💡 ده جبل قريب من جبل جرزيم في إسرائيل ... و المعنى إن الإنسان القريب من ربنا (زي أمنا العذرا) بيبقى مرتفع عن الأرضيات و يتبعه قديسين و يكونوا أنقياء مثل الثلج

القطعة 7 من ثيئوطوكية الأحد - شيري ني ماريا:
من أجل هذا كل واحد **يعظمك** يا سيدتي والدة الإله القديسة كل حين.

💡 طبعاً إحنا بنسبح و نمجد و نطوب و نعظم أمنا العذرا في كنيستنا و عقيدتنا بدون أي شك أو ارتياب لأنها أم الله

💡 ده واضح من مقدمة قانون الإيمان (نعظمك يا أم النور الحقيقي)

💡 و الحقيقة إحنا واخدين التسبيح ده من الملاك جبرائيل اللي في البشارة قال للعذرا: الممتلئة نعمة و أنها تلد القدوس ... و من أليصابات اللي قالت لها: مباركة أنت في النساء

💡 و أمنا العذرا بمنتهى التواضع كانت عارفة كده و قالت: هوذا منذ الآن جميع الأجيال تطوبني

💡 طبعاً إحنا فاهمين بضمير صالح إن ده لا يتعارض مع تسبيح الله كلى العظمة و المجد و الكرامة اللي بيحب يعطي كرامة لأولاده: أكرم الذين يكرموني

مديح أجيوس أوثنئوس:

قسمة للقران هيبى افكى نيما، وفيها شرح الإيمان، أمين هليلويا.

💡 دي القسمة الجميلة (هوذا كائن معنا على هذه المائدة اليوم) اللي تقال في أعياد السمايين و المرء بتاعها (أمين الليلويا)

مديح الله الأزلي قبل الأدهار:

بختنصر الملك أقام صورة ذهب وقال للوزرا وكل الشعب اذا ما سمعتم آلات الطرب هوس ايروف آرى هوؤو تشاسف

💡 ده لقب لنبوخذنصر الملك معناه (سعيد الحظ)

مديح العليقة:

صوفونيوس شرح بكلام عن تدبير اللاهوتية ينزل كالقطر بغير غمام - طوباك يا زين البشرية

💡 صوفونيوس هنا هو سليمان الحكيم اللي كتب مزمو 72 اللي فيه نبوة عن التجسد في آية 6: ينزل مثل المطر على الجزار، ومثل الغيوث الذارفة على الأرض

💡 صوفونيوس من كلمة (صوفيا) يعني الحكمة

مديح العليقة:

لبس منك طبع الناسوت **متّحداً** باللاهوتية وحملت الواحد من الثالوث - طوباك يا
زين البشرية

💡 التعبير الصحيح هنا هو (متحدّاً) مش (ملتحقاً) زي ما بنقول عن العدرا (معمل الاتحاد)

💡 نقدر نعرف أكثر في معلومة **مجمع أفسس**

مديح العليقة:

ابنك خلّص آدم و بنيّه

💡 طبعاً إحنا إيماننا إن الخلاص ده عمل الله بصليب ربنا يسوع المسيح فقط

💡 و أمنا العدرا شاركت و ساعدت لأنها حملت في أحشائها رب المجد (زي ما القديس يوسف النجار نسّميه خادم سر التجسد ... هو لم يتدخّل لكن ساعد)

💡 لو إحنا فاهمين المعنى ده كويس نقدر نقول للعدرا إنها (خلاص أبينا آدم) ... المهم نبقى فاهمين معنى الكلمة دي

مديح أمدح في البتول:

نسأل ابنك الغفران وقوة مع ايمان وحصول شعبك على إطمئنان يوم الخلائق
يحشرون

💡 زي العليقة، المدائح المكتوبة بالعربي أصلاً ممكن يكون فيها كلام غير دقيق ... و الكنيسة بتحاول تضبط الجمل غير الصحيحة أو اللي ممكن يساء فهمها

💡 الجملة دي كانت (نسأل منك الغفران) على اعتبار شفاعة العدرا و دي حاجة أكيدة

💡 لكن التعبير الأدق طبعاً إننا نسأل ابنك الغفران (لأن هو اللي في يده الغفران) بشفاعة أمنا العدرا و الملائكة و القديسين

تمجيد الأحد الرابع من شهر كيهك: مديح أنا أفتح فاي بالتسبيح لسيدنا إيسوس:
قبة صرّ للغفران مذبح طاهر **للرب إيسوس** يعجز عن وصفك كل لسان السلام لك
يا أم بي إخرستوس

💡 ده التعبير الأصح، لأن فيه تعبير تاني (بغير دنوس) ... طبعاً أمنا العدرا أعظم قديسة لكن عقيدتنا واضحة: هي إنسانة تحت الخطية محتاجة للخلاص

🙏 ربنا يدّينا نسبح بالروح و الذهن و القلب ... نفهم عظمة ألحان كنيستنا اللي بتعلّمنا نفرح بسر التقوى و نلاقيه في الكتاب المقدس كله

